

Ayam hidup, sayuran penjaja warga asing disita



Ayam hidup disita DBKL dalam operasi terhadap penjaja asing.

KUALA LUMPUR - Ayam hidup dan sayuran segar antara barangan yang dirampas Dewan Bandaraya Kuala Lumpur (DBKL) menerusi operasi penguatkuasaan terhadap penjaja warga asing di Pusat Bandar Utara dan Jalan 6/3A Taman Batu View di sini.

DBKL dalam satu kenyataan pada Rabu berkata, 10 tindakan penguatkuasaan diambil di bawah Akta Jalan Parit dan Bangunan 1974 dan UUK Pelesenan Penjaja (WPKL) 2016.

Menurutnya, DBKL turut melakukan pindah barangan dan peralatan yang diletakkan di tempat awam.

"Kesemua barangan dan peralatan lain yang disita di-

hantar ke Stor Sitaan DBKL Jalan Lombong, Taman Miharja Cheras untuk dokumentasi dan tindakan selanjutnya," ujar kenyataan itu.

Pusat Bandar Utara yang terletak berhampiran Pasar Borong Selayang merupakan lokasi tumpuan penempatan warga Myanmar.

Lokasi tersebut menjadi lokasi warga asing yang terdiri pemegang Suruhanjaya Tinggi Pertubuhan Bangsa-Bangsa Bersatu bagi Pelarian (UNHCR) menjalankan aktiviti perniagaan.

Premis-premis ini sering menimbulkan kacau ganggu awam melibatkan isu kekotoran, halangan laluan serta lorong belakang bangunan yang berbau busuk.